

漢書門類
 四二五八
 二五八
 六五八
 冊架函號類

內閣文庫
 漢書
 四二五八
 三三函
 二一
 架冊號類

內閣文庫		
番號	漢	4258
冊數	6 (5)
函號	273	266







刑官之屬元有六十六

大司寇	小司寇	士師	鄉士	遂士	縣士	方士
訝士	朝士	司民	司刑	司刺	司約	司盟
職金	司厲	犬人	司圜	掌囚	掌戮	司隸
罪隸	蠻隸	閩隸	夷隸	貉隸	布憲	禁殺戮
禁暴氏	野廬氏	蜡氏	雍氏	萍氏	司寤氏	司烜氏
條狼氏	脩闔氏	冥氏	慶氏	宄氏	翬氏	祚氏
蘿氏	碧蕤氏	翦氏	赤裘氏	蠲氏	壺涿氏	庭氏
銜枚氏	伊耆氏	大行人	小行人	司儀	行夫	環人
象胥	掌客	掌訝	掌交	掌察	掌貨賄	朝矣

都則 都士 家士

俞庭椿謂大行人小行人司儀行夫掌客掌訝掌交七
官當屬春官王次點謂大人一官當屬冬官環人一官
當與夏官環人合為一

今訂定秋官之屬五十有七

大司寇 冑寇 士師 鄉士 遂士 縣士 方士

訝士 朝士 司民 司刑 司刺 司約 司盟

職金 司厲 司圜 掌囚 掌戮 司隸 罪隸

蠻隸 閩隸 夷隸 貉隸 布憲 禁殺戮 禁暴氏

野虞氏 蜡氏 雍氏 萍氏 司寤氏 司烜氏 條狼氏

脩閭氏 冥氏 度氏 宄氏 翬氏 柞氏 雉氏

砮蕤氏 翦氏 赤友氏 蠲氏 壺涿氏 庭氏 銜枚氏

饗夏氏 象胥 掌察 掌貨財 朝大夫 都則 都士

家士



秋官司寇第五

唯王建国辨方正位，體國經野，設官分職，以為民極。乃立秋官司寇，使帥其屬而掌邦禁，以佐王刑。邦國刑官之屬。

大司寇，卿一人。

大司寇之職，掌建邦之三典，以佐三刑，邦國諸刑之四方。

秋官司寇第五
唯王建国辨方正位體國經野設官分職以為民極乃立秋官司寇使帥其屬而掌邦禁以佐王刑邦國刑官之屬

典。漢也。諸達也。書也。

一曰刑。五國用輕典。二曰刑。平國用中典。三曰刑。亂國用重典。

新國新造之國。平國已治之國。亂國博亂之國。

以五刑糾萬民。

刑亦濼也。糾察也。

一曰野刑。上功糾力。二曰軍刑。上命糾守。三曰鄉刑。上德糾孝。四曰官刑。上能糾職。五曰國刑。上愿音糾糾暴。

野刑六遂。鄉刑六鄉。鄉遂之間。官軍所在。故軍刑間於鄉遂之中。官刑在官者。國刑正也。九十三國也。功言也。

功。力所以致功也。命言將命守所以致命也。德言所得於

天之理。孝所以致德也。能言才能職。所以致其能也。愿音懇

厚也。鄭康成曰。暴當作恭字。恭所以致其愿也。

以園土聚教罷音皮民。凡害人者。寘音置園土。而施職事焉。以明

刑耻之。

園土。獄城也。民之不能自強於為善也。謂之罷民。夜納之

園土。而晝則施以職事。何以謂之教。蓋民有過失。其害人

之罪。雖匪固為然。其罪已著。夜寘於園土。以囚之。晝施職

事。以役之。明書其所犯之罪于大方版。加諸背。而耻之。使

之猶有人之心焉。則變惡為善。殆不旋踵。是乃以不教教

之也

其能改者反于中國不齒三年

中國即鄉里也其能改過則得反乎鄉里與其遷善之意猶使不得以齒於平民者三年蓋御惡人者不一而足三年之久則可釋之矣

其不能改而出園土者殺

既不能遷善又逃遁而出于園土不畏灋甚矣如斯人者殺之而已

以兩造七報禁民訟入束矢於朝然後聽之以兩劑子隨禁

民獄入鈞金三日乃致于朝然後聽之

適至也訟者兩至於公庭劑今券書也獄者兩劑券書兩造必有一直使之入矢所以自明其直兩劑必有一實使之入金所以自明其實束矢百矢也鈞金三十斤銅也小曰訟大曰獄不直不實則沒金矢於官此亦禁止之一端獄必三日而後致於朝者重致民於獄也

以嘉石平罷民

嘉石文石也樹之外朝門左罷民未入園土平之以嘉石使之思其文理

凡萬民之有罪過而未麗於灋而害於州里者桎梏而坐諸嘉石役諸司空

木在手曰桎在足曰梏

重罪旬有三日坐其役其次九日坐九月役其次七日坐七月役其次五日坐五月役其下罪三日坐三月役使州里任之則宥而舍之

任之者使州長里宰保任而舍之

以肺石達窮民

肺石赤石也使窮民無告者立於其上冤抑之氣得以達凡遠近惇獨老幼之欲有復于上而其長弗達者立於肺石三日七聽其辭以告于上而罪其長

無兄弟曰惇無子孫曰獨惇獨老幼欲告愬于上長吏不

以上聞其立也必及三日之久士師聽其辭以告于朝而罪其長吏蓋君門萬里不有肺石之達則無告之民無由知之必俟三日者欲得其誠實此先王之世所以無窮民也

正月之吉始和布刑於邦國都鄙乃縣刑象之灋于象魏使萬民觀刑象挾日而斂之凡邦之大盟約涖其盟書而登之于天府太史內史司會及六官皆受其貳而藏之

盟約二事也約爲之信書而已盟則歃血焉太史掌邦之典灋則之貳以待逆者也內史掌八枋之灋以詔王治者也六官六鄉之長皆使受盟書之貳重其事故藏之天府

與賢能之書民穀之數同也

凡諸侯之獄訟以邦典定之凡卿大夫之獄訟以邦灋斷之

凡庶民之獄訟以邦成弊必世之反

邦典有輕中重三典以定其罪邦灋八辟之屬邦灋有議

親議故議賢之不同所以斷其罪邦成蓋有邦為邦賊邦

謀之不同以此八成弊萬民之罪非冢宰之六典八灋八

成者也

大祭祀奉犬牲

犬金畜也秋官奉之

若禋祀五帝則戒之日泣誓百官戒于百族

太宰祀五帝前期十日而卜日此謂戒之日郊特牲曰卜

之日王立于澤宮親聽誓命受教諫之義獻命庫門之內

戒百官也太廟之內戒百族也百官者百執事也百族者

王之族姓也族姓之與於祭者重於官故戒百官於庫門

之內而戒百族於太廟之內正所以辨親故之義

及納亨前王祭之日亦如之

納亨將殺之時太宰贊王牲事司寇以刑禁先焉則人知

長敬矣

奉其明水火

以陽燧得火於日謂之明火以陰燧得水於月謂之明水

凡朝覲會同前王大喪亦如之

朝覲會同前王尚其肅也大喪前王尚其哀也

大軍旅蒞戮于社

社謂社主在軍者

凡邦之大事使其屬蹕

屬士師以下蹕止行人也

小司寇中大夫二人

小司寇之職掌外朝之政

此外朝即朝士所掌乃在庫門之外

以致萬民而詢焉

詢咨謀也詩曰詢于芻蕘書曰謀及庶人

一曰詢國危二曰詢國遷三曰詢立君

國危謂有兵寇之難國遷謂都邑不寧將去故即新問民以遷居之利立君謂無冢適選於庶也是三者其利害在君不在民其可否在民不在君如之何不咨詢焉

其位王南鄉三公及州長百姓北面羣臣西面羣吏東面

三公北面常也鄉之州長與百姓皆北面者王之所詢者民也羣臣卿大夫也在東而西面羣吏府史胥徒也在西而東面則左右以輔相之爾

小司寇擯以叙進而問焉

擯謂揖之使前
以衆輔志而弊謀

以王志為主而輔之以衆以衆謀為稽而弊之於王
以五刑聽萬民之獄訟附于刑用情訊之至于旬乃弊之讀
書則用灋

五刑墨劓官刑殺也知其罪之所屬可附於某刑猶必用
吾之情以訊之以情度情庶得其真至于旬乃斷之其斷
則先讀鞫問之書使囚服而後用灋

凡命夫命婦不躬坐獄訟凡王之同族有罪不即市
不躬坐使左右代焉有罪者殺于甸師氏不於市朝此

貴親親之義也

以五聲聽獄訟求民情一曰辭聽二曰色聽三曰氣聽四曰
耳聽五曰目聽

心者形之君辭者心之聲聲發於中不能掩於外其辭信
則色定氣舒耳目不亂其辭偽則色變氣索耳目皆惑以
此聽之人焉瘦哉

以八辟麗邦灋附刑罰

麗附也以其本罪附於邦灋而議之然後加以刑罰之所
當施

一曰議親之辟

親王之族

二曰議故之辟

故王之故舊

三曰議賢之辟

賢有德者

四曰議能之辟

能有才者

五曰議功之辟

有大勲勞立功者

六曰議貴之辟

大夫以上凡有爵之人

七曰議勤之辟

勞於王事者

八曰議賓之辟

賓不盡臣者三恪二代之後

此八者皆教化之所自出不幸而陷於罪戾則灋有所不

可加者是不容不議

以三刺七賜斷庶民獄訟之中一曰訊羣臣二曰訊羣吏三

曰訊萬民聽民之所刺宥以施上服下服之刑

訊問也三刺之斷不敢自決而訊及於羣臣羣吏萬民者

此必罪大惡極或輕或重關於風教上服下服係於人心雖則已麗於刑必待三訊而後斷也民以為可刺則服上刑無可說者民以為可宥亦非全然宥之特服下刑比上刑為輕爾

及大比此志反登民數自生齒以上登于天府內史司會冢宰貳之以制國用

人生齒而體備男子八月生齒八歲而齒女七月生齒七歲而齒故自生齒以上時掌反皆書于版欲周知其數民數既登之後冢宰又為之貳而制國用焉蓋古者三年耕必有一年之食九年耕必有三年之食冢宰以三十年通

國用而大比之制國用實所以為三十年盈虛斂散之備內史於此貳之以其所掌者會計之書司會於此貳之以其所掌者會計之事二官卑而列於始冢宰尊而繼於後非以統百官之任而統其成歟

小祭祀奉犬牲凡禋祀五帝實鑊水納亨亦如之實鑊以滌牲納亨以煮牲

大賓客前王而辟婢亦反辟除姦人也

后世子之喪亦如之

小師涖戮凡國之大事使其屬蹕孟冬祀司民獻民數於王

王拜受之以圖國用而進退之

軒轅之角有大民小民之星其神實司民司寇主其祀故孟冬祀之其日獻民數於王王拜受之以圖國用則以民之登耗知斂之豐匱由是而進退之則所圖者王也

歲終則令羣士計獄弊訟登中于天府

羣士鄉士遂士以下計獄計其多寡也弊訟斷其疑似也合乎灋謂之中羣士入于小司寇小司寇登于天府

正歲帥其屬而觀刑象令以木鐸曰不用灋者國有常刑令群士乃宣布于四方憲刑禁乃命其屬入會古外乃致事宣徧也宣布于四方以終歲期之至太宰受會之時乃命

其屬入會乃致事所以紀小司寇一職之終也

士師下大夫四人

士師之職掌國之五禁之灋以左右刑罰一曰宮禁二曰官

禁三曰國禁四曰野禁五曰軍禁

宮王宮官官府國城中野今之田律軍軍中之禁

皆以木鐸徇之于朝書而縣于門閭

徇于朝示貴者巷門曰閭縣于門閭示賤者

以五戒先後刑罰毋使罪麗于民

禁則欲其畏戰而不為戒則欲其謹防而知避以刑罰為正而五禁左右之以刑罰為中而五戒先後之

一曰誓用之于軍旅二曰誥用之于會同三曰禁用諸田役
四曰糾用諸國中五曰憲用諸都鄙

誓者折之以言使斷然必信誥告之以文使知其所以然
禁者禁其殘暴糾者糾其姦貪憲者憲其灋則

掌鄉合州黨族閭比之聯與其民人之什伍使之相安相受
以比追胥之事以施刑罰慶賞

六鄉之內其居則州黨族閭比之聯其民人則什伍之聯
皆合其聯以待征斂調發之事此鄉官之職也而士師又
掌之者使之相安相受故爾蓋人之有罪過未屢於灋而
害於州里者去之則不善者遠而後善者得以相安上罪

暮役以至下罪三月役任於州里者舍之則不善者不
而後善者得以相安相受是與衆同欲與衆同惡也
追胥之事以比什伍追襲寇盜胥徭也相聚夜宿以伺寇
盜此其出入相友守望相助也賞一人而同所勸罰一人
而同所戒此所以施刑罰慶賞也此士師之掌鄉而弼六
鄉之教也以此

掌官中之政令

言秋官之屬所行政令也

察獄訟之辭以詔司寇斷獄弊訟致邦令

察獄訟之辭則刑官之屬若鄉士遂士縣士方士各上其

獄訟之不決者而致於士師士師因其辭而察之以詔司
寇斷獄弊訟獄訟既審合於邦令則又以其邦令而致之
於鄉士遂士縣士方士上下聯事精察如此此獄之所以
得其中

掌士之八成一曰邦汙止約二曰邦賊三曰邦謀牒音四曰犯
邦音五曰橋音邦音六曰為邦盜七曰為邦朋八曰為邦誣
汙如斟酌之酌取也陰有包藏欲為嚮背而未決乃探聽
國家機密斟酌其事以為姦是謂邦汙賊如寇賊之賊陰
為不仁不義以毒王民生亂階是謂邦賊謀則反間之人
陰為諸侯刺探國事是謂邦謀上有令而下弗從是為廢

格濫令之人故曰犯邦令上無是令輒出已意矯而為之
是有無上之心故曰矯邦令盜民財國貨以自封殖是謂
邦盜相與交結如漢唐時羣小朋黨共為姦邪是謂邦朋
是者誣以為非曲者誣以為直變亂白黑是謂邦誣凡茲
八者亂之階也八成之濫專以馭士意豈淺哉

若邦凶荒則以荒辯音之濫治之令移民通財糾守緩刑
荒貶遭飢荒則刑罰國事當貶損鄭玄謂辨當作貶移民
通財糾守緩刑四者荒貶之濫也糾守糾四封之守以防
寇警者也

凡以財獄訟者正之以傳別約劑

傳謂地傳以為之保別謂判書以為之合約謂期約劑謂券書四者皆可稽以為決

若祭勝國之社稷則為之尸

勝國國為吾所勝則無主無後如周祭亳社之類

王燕出入則前驅而辟

自治朝而退居於內謂之燕朝自燕朝而退居於寢謂之燕寢此則燕出入也

祀五帝則沃尸及王盥洎鑊水

沃尸方尸之入門以盤匝盥水則士師沃之王有獻尸之事必就洗以致潔士師亦沃之鑊水本小司寇所實士師

則洎而增之

凡剗音珥而志反則奉大牲

剗謂剗割珥當作弭弭災也

諸侯為賓則帥其屬而蹕于王宮大喪亦如之大師帥其屬而禁逆軍旅者與犯師禁者而戮之

師行而不從令是謂逆軍旅臨陣而不用命是謂犯師禁故帥其屬而行戮焉

歲終則令正要會正歲帥其屬而憲禁令于國及郊野

小司寇於正歲命其屬入會致事此則歲終所正之要會也至於小司寇憲禁令于四方而此則憲禁令于國及郊

野則亦貳與攷之辨焉爾

鄉士上士八人中七十有六人旅下士三十有二人府六人
史十有二人胥十有二人徒百有二十人
鄉士掌國中

六鄉之民王所自治故其獄在國中

各掌其鄉之民數而糾戒之聽其獄訟察其辭辨其獄訟異
其死刑之罪而要之旬而職聽于朝

死刑之罪定要之至十日不讎然後以其職聽于外朝

司寇聽之斷其獄弊其訟于朝羣士司刑皆在各屬其灋以
議獄訟獄訟成士師受中協日刑殺

中者所斷之得中又擇其可殺之日然後刑殺刑期於無
刑也

肆之三日

陳尸三日

若欲免之則王會其期

期謂卿士職聽于朝司寇聽之之日王欲赦之則以此時
用八議

大祭祀大喪紀大軍旅大賓客則各掌其鄉之禁令帥其屬
夾道而蹕三公若有邦事則為之前驅而辟其喪亦如之凡
國有大事則戮其犯命者

遂士中士十有二人府六人史十有二人胥十有二人徒百有二十人

遂士掌四郊

四郊距王城百里以外至二百里六遂之獄在四郊

各掌其遂之民數而糾其戒令聽其獄訟察其辭辨其獄訟異其死刑之罪而要之二旬而職聽于朝

去王城漸遠恐多枉濫故要之至二旬然後斷

司寇聽之斷其獄弊其訟于朝羣士司刑皆在名麗其瀆以議獄訟獄訟成士師受中協日就郊而刑殺各於其遂肆之三日若欲免之則王令三公會其期

遂士職聽之時命三公往議之

若邦有大事聚衆庶則各掌其遂之禁令帥其屬而蹕六卿若有邦事則為之前驅而辟其喪亦如之凡郊有大事則戮其犯命者

縣士中士三十有二人府八人史十有六人胥十有六人徒百有六十人

縣士掌野

掌四等公邑之獄

各掌其縣之民數糾其戒令而聽其獄訟察其辭辨其獄訟異其死刑之罪而要之二旬而職聽于朝

去王城又遠故加至三旬

司寇聽之斷其獄弊其訟于朝羣士司刑皆在各麗其灋以議獄訟獄訟成士師受中協日刑殺各就其縣肆之三日若欲免之則王命六卿會其期若邦有大役聚衆庶則各掌其縣之禁令若大夫有邦事則爲之前驅而辟其喪亦如之凡野有大事則戮其犯命者

方士中士十有六人府八人史十有六人胥十有六人徒百有六十人

方士主四方都家之獄者

方士掌都家聽其獄訟之辭辨其死刑之罪而要之三月而

上獄訟于國

大都在置地小都在縣地家邑在稍地去王城愈遠方士又非鄉士遂士縣士得以職聽于朝故上獄訟于國而已司寇聽其成于朝羣士司刑皆在各麗其灋以議獄訟獄訟成士師受中書其刑殺之成與其聽獄訟者凡都家之大事聚衆庶則各掌其方之禁令以時脩其縣灋若歲終則省之而誅賞焉

縣灋司寇所縣象魏之灋

凡都家之士所上治則主之

都士家士所治之獄方士主之以上於國

誅士中士八人府四人史八人胥八人徒八十人
誅迎也士官之迎四方賓客

誅士掌四方之獄訟諭罪刑于邦國

諭其所坐之罪與王朝行刑之意于邦國

凡四方之有治於士者造焉四方有亂獄則往而成之邦有
賓客則與行人送逆之入於國則為之前驅而辟野亦如之
居館則帥其屬而為之蹕

行人掌其禮誅士治其刑

誅戮暴客者客出入則道之有治則贊之凡邦之大事聚眾
則讀其誓禁

朝士中士六人府三人史六人胥六人徒六十人

朝士掌建邦外朝之灋

天子有三朝一曰治朝司士所掌二曰內朝大僕所掌三
曰外朝朝士掌之

左九棘孤卿大夫位焉羣士在其後右九棘公侯伯子男位
焉羣吏在其後面三槐三公位焉州長衆庶在其後

棘之為物其心赤槐之為物其華實黃忠赤誠實所以盡
臣節也

左嘉石平罷民焉右肺石達窮民焉帥其屬而以鞭呼趨且
辟禁慢朝錯立族談者

以鞭呼趨則呼朝者使趨戒以肅也辟則使人避焉慢朝
謂臨朝不肅敬也錯立族談違其位而侮反子損語也
凡得獲貨賄人民六畜者委于朝告于士旬而舉之大者公
之小者庶民私之

凡貨賄人民六畜或至於遺失有得獲者委於聽獄訟之
朝告於議訟之士而不敢私焉以待其人而反之至于旬
則亦既久矣物不可反亦不可棄於是舉之大者入于公
小者歸於庶民之私此朝士之灋制以義也

凡士之治有期日國中一旬郊二旬野三旬都三月邦國暮
期內之治聽期外不聽

中一旬鄉士也郊二旬遂士也野三旬縣士也都三月
方士也邦國暮詩士也期內聽期外不聽亦息獄訟之一
端

凡有責者有判書以治則聽

責如今之理欠然必有判書以為證驗則聽

凡民同貨財者令以國灋行之犯令者刑罰之凡屬責者以
其地傳而聽其辭

若二人同財一人犯令則并舉貨財而刑罰惟施於犯令
者屬責謂以已之財屬之於人而使責也責必有傳保傳
保必有地乃為之聽治

凡盜賊軍鄉邑及家人殺之無罪

盜賊結徒黨已成軍伍屯於鄉邑犯及家人則殺之為無罪

凡報仇讐者書於士殺之無罪

仇讐之報雖曰私復然已書于士則罪狀明白殺之不以罪論

若邦凶荒札喪寇戎之故則令邦國都家縣鄙慮刑貶

刑之貶而以朝士慮之者蓋凶荒札喪寇戎之際灋不寬

減則民滋不安而盜賊之變起正朝士所當慮而令邦國

都家縣鄙各議刑也

司民中士六人府三人史六人胥三人徒三十人

司民掌登萬民之數自生齒以上皆書於版辨其國中與其都鄙及其郊野異其男女歲登下其死生

每歲有死者則下之有生者則登之以知其存歿也

及三年大比以萬民之數詔司寇司寇及孟冬祀司民之日獻其數于王王拜受之登于天府內史司會冢宰貳之以贊

王治

天府主祖廟之藏者

司刑中士二人府一人史二人胥二人徒二十人

司刑掌五刑之灋以嚴萬民之罪墨罪五百劓罪五百宮罪

五百刑罪五百殺罪五百若司寇斷獄弊訟則以五刑之灋
詔刑罰而以辨罪之輕重

辨其輕重使輕不至於失其罪重不至於濫無辜一以書
為斷而已用刑書如伯州犁之欲上下其手張湯之欲輕
重其心胡可得哉

司刺下士二人府一人史二人徒四人

司刺掌三刺三宥三赦之灋以贊司寇聽獄訟

刺取其實然後殺之無愧矣宥寬也赦舍也贊助也

壹刺曰訊羣臣再刺曰訊羣吏三刺曰訊萬民

一則訊羣臣詢諸公卿大夫二則訊羣吏詢諸府史之卑

左右及諸大夫皆曰可殺未可也三則訊諸萬民萬民皆

以為可殺然後殺之故曰國人殺之也

壹宥曰不識再宥曰過失三宥曰遺忘

三宥之灋求以寬之一曰豈其人之不識乎二曰豈其人

之過謨乎三曰豈其人之遺失偶忘之乎

壹赦曰幼弱再赦曰老耄三赦曰蠢愚

古之所謂赦宥如斯而已肆大青始見於春秋大赦漢唐
方有之

以此三灋者求民情斷民中而施上服下服之罪然後刑殺
以此三灋求民情情盡於內辭乎於外因灋以議罪因罪

以施刑上下相承所謂民中者如此刑殺乃先王不得已之意

司約下士二人府一人史二人徒四人

司約掌邦國及萬民之約劑

先王之於臣民以為一時之言雖相與以無疑萬世之後或無所質證故為之約而設官以司之劑券書也

治神之約為七

宗廟有位山川有域社稷有壇壝五祀有時節此事神不待約也至於非其祀而命之祀則書其所以命之者以為之約若魯郊禘之類是也

民之約次之

分鄉以寓軍制邑以授農以旌節而辨遷徙以萃逋逃而為顯戮此容民不待約也至於非其所當有而分以授之則書其所以分之者以為之約若分衛以授殷民六族七族是也

治地之約次之

公侯伯子男所封之土各有定制而封疆所至不可以大而侵小以強而陵弱乃其約也

治功之約次之

有功則有賞銘於太常祭於大烝自有常典若虢仲虢叔

勳在王室藏于盟府乃其約也

治器之約次之

禮樂吉凶車服自有常制若非所用而頒之則書其所以頒者以為之約若魯得用四代之服器是也

治摯之約次之

如五玉三帛二生一死之贄先王以之叙諸侯分貴賤莫不以其爵祿高下而為之約

凡大約劑書於宗彝小約劑書於丹圖

大約劑書於宗廟之六彝欲神監焉小約劑著於丹書今俗語謂鐵券丹書乃其遺言也

若有訟者則珥而辟藏

若因而有訟者當用舊約劑以質證之故為之珥而辟藏視諸故府也珥當作鯁鯁殺雞取血以釁塗其戶所以祓其不祥也見故府之文而尚不信則昏墨甚矣

其不信者服墨刑若大亂則六官辟藏其不信者殺

司盟下工二人府一人史二人徒四人

司盟掌盟載之灋

載盟辭也

凡邦國有疑會同則掌其盟約之載及其禮儀北面詔明神既盟則貳之

其正則藏于天府而司盟則藏其貳也

盟萬民之犯命者詛其不信者亦如之

盟則託神以結其信使之知敬詛側慮則託神以禍其不

信使之知畏盟詛雖異儀皆北面以詔明神也

凡民之有約劑者其貳在司盟有獄訟者則使之盟詛

此亦息刑獄之一術

凡盟詛各以其地域之衆庶共其牲而致焉既盟則為司盟

共祈酒脯

民有盟詛則鄰里共其牲既盟則出酒脯司盟為之祈明

神神之小者用酒脯以祈之切疑周家之於獄訟先使之

盟詛乃使入金矢既入金矢乃為之受理而聽之然則凡

措之術其本諸此乎

職金上士二人下士四人府二人史四人胥八人徒八十人

職金掌凡金玉錫石丹青之戒令

丹丹砂青空青

受其入征者

受其入則取諸地官所自入者受其征則取諸民而官所

稅賦者

辨其物之媿惡與其數量揭而壘之

辨其美惡以知精麤辨其數量以知多少揭以表之壘以

封之所以謹其藏也

入其金錫于為兵器之府入其玉石丹青于守藏之府

什人掌其所產之地此則掌其所入焉

入其要

要凡數也

掌受士之金罰貨罰入于司兵

金罰即入鈞金貨罰司關所謂舉其貨

旅于上帝則共其金版

金版蓋皇邸之飾為後版舜風者

饗諸侯亦如之凡國有大故而用金石則掌其令

司厲下士二人史一人徒十有二人

司厲察凶惡暴戾之人

司厲掌盜賊之任器貨賄

非其有而取之曰盜因盜而害人曰賊任器者所用以傷

害人之器貨賄殺越人而劫剽其所有之財物也

辨其物皆有數量賈而揭之入于司兵

以充兵器之用

其奴男子入于罪隸女子入于春橐

罪惡之重沒其身未足又奴其男女而隸役春橐皆有常

養以存其生焉春春人橐橐人也

凡有爵者與七十者與未齒者皆不為奴

男八歲女七歲毀齒曰齒

司圜中士六人下士十有二人府三人史六人胥十有六人
徒百有六十人

司圜掌收教罷民

拘之圜土勞之苦之使其善心自生所以收教之也

凡害人者弗使冠飾而加明刑焉任之以事而收教之能改
者上罪三年而舍中罪二年而舍下罪一年而舍其不能改
而出圜土者殺雖出三年不齒

害人者謂惡人不能從化而為百姓所患苦而未入五刑

者弗使冠飾而被辱明書其罪於背夜收之圜土晝任以
勞役收而教之能改者量罪之輕重為久近之期而舍之
其有不能改而出圜土者殺之雖年滿而出猶不齒三年
甚辱之也

凡圜土之刑人也不虧體其罰人也不虧財

掌囚下士十有二人府六人史十有二人徒百有二十人

掌囚掌守盜賊凡囚者上罪桎拳桎而桎中罪桎桎下罪桎

桎在手桎在足拳見下身居三木掌囚守之

王之同族拳有爵者桎以待弊罪

拳兩手共一木桎兩手各一木桎以待斷比拳為稍重

及刑殺告刑于王奉而適朝士加明梏以適市而刑殺之
告王而又適朝士蓋以朝士掌外朝又得以審詳焉重人
命也適朝士矣以為無可疑則加以明梏於梏上明書其
所犯使見者咸知其罪乃適於市而殺之
凡有爵者與王之同族奉而適甸師氏以待刑殺
蓋以甸師掌耕籍田以事宗廟藏穀之所隱之也適甸師
以待刑殺之官來不梏而適市乃所以隱之也
掌戮下士二人史一人徒十有二人
掌戮掌斬殺賊謀而搏殛傳之
謀者與賊窺伺乎國家之隙以圖危社稷其罪非不可赦也

故大者斬之小者殺之且從而搏之謂磔裂其屍以示人
也

凡殺其親者焚之殺王之親者辜之

焚以火者不存其形辜以磔者不全其體

凡殺人者踣死北諸市肆之三日刑盜于市

凡殺人者今所謂謀故聞殺者踣僵尸也肆陳也盜則不
然就市刑之

凡罪之麗於灋者亦如之

灋宮刑劓墨也

唯王之同族與有爵者殺之于甸師氏凡軍旅田役斬殺刑

戮亦如之墨者使守門劓者使守闕宮者使守內則者使守

囿髡者使守積

子賜反

鄭康成謂公族無宮刑惡翦其類髡其頭而已

司隸中士二人下士十有二人府五人史十人胥二十人徒二百人

司隸掌五隸之灋辨其物而掌其政令

五隸罪蠻閩夷貉

帥其民而搏盜賊役國中之辱事為百官積任器凡囚執人之事

國中污辱之事則司隸帥其屬而役之百官所當任持之

器物此官主為之積聚也囚執人之事若今牢城之兵

邦有祭祀賓客喪紀之事則役其煩辱之事掌帥四翟之

隸使之皆服其邦之服執其邦之兵守王宮與野舍之厲禁

翟與狄同王在宮與出在野使之各服其邦之服而執其

邦之兵以為守衛則其人雖賤而所用為甚重矣

罪隸百有二十人

罪隸掌役百官府與凡有守者掌使令之小事凡封國若家

牛助為牽徯

步浪反

國謂建諸侯家謂立大夫牛助以牛助轉徙也車轅內一牛前亦一牛二隸前者牽前牛徯者御當車之牛

其守王宮與其厲禁者如蠻隸之事

罪隸乃中國之人因罪而没入在官者與四夷之人不同不使掌牛馬鳥獸之事

蠻隸百有二十人

征南夷所獲者

蠻隸掌役校人養馬其在王宮者執其國之兵以守王宮在野外則守厲禁

為校人所役使以養馬國有大事則守王門舍則守王闕閩隸百有二十人

閩南蠻之別

掌役畜養鳥

役則役於掌畜也

而阜蕃教擾之掌子則取隸焉

子謂鳥所生閩隸掌阜蕃其物則養之而使取隸於已鳥之無知而飲啄鼓舞唯閩隸之是從

夷隸百有二十人

征東夷所獲者

夷隸掌役牧人養牛馬

為牧人所役使牧牛馬

與鳥言

夷狄之人或曉鳥獸之言故春秋傳曰介葛盧聞牛鳴曰是生三犧皆用矣

其守王宮者與其守厲禁者如蠻隸之事

貉隸百有二十人

東夷所獲者

貉隸掌役服不氏而養獸而教擾之掌與獸言其守王宮者與其守厲禁者如蠻隸之事

布憲中士二人下士四人府二人史四人胥四人徒四十人

布憲掌憲邦之刑禁正月之吉執旌節以宣布于四方而憲邦之刑禁

憲表也謂縣之也大司寇正月之吉布刑于邦國都鄙又縣刑象以示萬民小司寇於正歲十一月帥屬觀刑象及宣布于四方憲刑禁矣布憲復掌之者蓋大司寇布之者舉其綱也小司寇宣之者行於朝也四方萬里或未之知布憲則執旌節適四方而宣布之所至之處又從而表縣之無有不明刑禁之為不可犯也以詰四方邦國及其都鄙達于四海

爾雅曰九夷八蠻六戎五狄謂之四海詰謹也使四方謹而行之以中士二人下士四人徒四十人而行四方達四海欲正月而必聞其刑禁者未能遠達必書其刑禁之宜

憲于民以達之州伯州伯達於卒正卒正達於連帥連帥
達於屬長屬長達於諸侯諸侯則以達於其國之都鄙而
要服以達於四海布憲則執旌節以巡行於四方詰其違
於禁令者度乎其可及也已

凡邦之大事合衆庶則以刑禁號令

禁殺戮下士二人史一人徒十有二人

此言非天吏不可以殺人

禁殺戮掌司斬殺戮者凡傷人見血而不以告者攘獄者過
訟者以告而誅之

司專伺候也司察其私相斬戮者及傷人見血而里閭

過不以告于有司者將以罪相證於獄而攘奪其所證之
人使不得同至於獄將以辭訟于官而恃勢力以止過之
使不得以上達者皆以告于有司而誅之

禁暴氏下士六人史三人胥六人徒六十人

禁暴氏掌禁庶民之亂暴力正者撻誣犯禁者作言語而不
信者以告而誅之

逆理害治為亂恃強虐物為暴唯亂唯暴乃以力而正之
力有所不敵者不得已而服焉撻則稱上之命令誣則誣
人以所無之事唯撻唯誣故敢犯士師之五禁造為浮言
以相恐動其言不實而能鼓蕩人心凡此者皆禁之使不

敢為若敢為者則告於有司而誅之

凡國聚眾廢則戮其犯禁者以徇凡奚隸聚而出入者則司牧之戮其犯禁者

奚女奴隸男奴於其出入必司以察之牧以養之戮其犯禁者

野廬氏下士六人胥十有二人徒百有二十人

野廬氏掌達國道路至于四畿

此則遂人所謂千夫有澮澮上有道萬夫有川川上有路以達于畿是也

比國郊及野之道路宿息井樹

比較其實也自國之郊及郊外之野所通行之路皆有宿息井樹夜可以寢晝可以憇有井以備飲食有樹以為藩蔽野廬氏專掌之則行者之至如歸孰不願出王之塗乎若有賓客則令守涂地之人聚據音詰之

聚據令其人聚而擊柝所以防暴客也

有相翔者誅之

有相翔而觀伺者欲習為寇盜之意故誅之所以禦姦也凡道路之舟車擊音計互者叙而行之

擊者相值而礙也互者交互而不行也推車於陸行舟於水阻隘之地偶相值而有擊互之阻人有爭先而不相遜

者因其先後之叙以次而行之

凡有節者及有爵者至則為之辟禁野之橫行徑踰者凡國之大事比脩除道路者

比校民夫

掌凡道禁邦之大師則令埽道路且以幾禁行作不時者不物者

幾察也不當行而行不當作而作失早晚之時不物者非所當衣而衣之非所當操而操之皆姦人之欲為寇盜者也

蜡

清預反

氏中士四人徒四十人

蜡氏掌除鼬

前賜反

月令曰掩骼埋胔骨之尚有肉也此言鼬死人骨也

凡國之大祭祀令州里除不蠲禁刑者任人及凶服者以及郊野大師大賓客亦如之

蠲潔也詩言蠲為饕刑者黥劓之屬任人司圜所收赦罷民凶服服衰經者也除而禁之所以致其潔也

若有死於道路者則令埋而置楬焉書其日月焉縣其衣服任器于有地之官以待其人

任器所執任之器有地之官若比長閭胥里宰之屬

掌凡國之鼬禁

禁謂孟春掩骼埋胔之屬

雍於勇氏下士二人徒八人

隄防止水之官

雍氏掌溝瀆澮池之禁凡害於國稼者春令為阱獲明化溝

瀆之利於民者秋令塞阱杜獲禁山之為苑澤之沈者

阱穿地為塹獲祚鄂堅地不可得深故設祚鄂於中所以

取禽獸溝瀆所以通水入君囿游固有苑矣民庶為之則

僭上况可即山以為苑乎漁人取魚固有餌矣下毒於水

則是竭澤而漁人或食之將有以中其毒矣

萍氏下士二人徒八人

萍氏掌國之水禁幾酒謹酒

幾察也萍氏掌水禁而使禁酒酒亦水之害人者也

禁川游者

游游浮而行也水雖有灌載之利然犯之則濡溺之則死

不時而入捕魚鼈者一切禁之

司寤氏下士二人徒八人

司寤氏掌夜時以星分夜以詔夜士夜禁

見星則為夜星沒則非夜以是詔夜守之士嚴夜禁之灋

禦晨行者禁宵行者夜游者

司烜音氏下士六人徒十有二人

司烜氏掌以夫遂取明火於日以鑿取明水於泉

夫遂陽遂鑿鏡屬世謂之方諸取日月之水火故曰明

以共祭祀之明盥明燭共明水

凡邦之大事共墳燭庭燎

墳天也樹於門外曰墳燭於門內曰庭燎所以照衆也

中春以木鐸脩火禁于國中軍旅脩火禁邦若屋誅則爲明

竈昌緝馬

屋誅夷三族也夜葬故爲明竈於壙埋之地揭其罪於竈

上而屬於司烜氏使人知其罪

條狼氏下士六人胥六人徒六十人

條狼氏掌執鞭以趨辟玉出入則八人夾道公則六人僕御
則四人子男則二人

掌執鞭趨以辟道路之穢惡及車馬人物之壅塞而不通
者

凡誓執鞭以趨於前且命之誓僕右曰殺誓馭曰車轅誓大
夫曰敢不關鞭五百誓師曰三百誓邦之大史曰殺誓小史
曰墨

誓者謂出軍及將祭祀時也不得不嚴車莫先於僕右故
誓僕右曰殺車左聽命於馭故誓馭曰車轅謂車裂也誓
大夫曰敢不關於君鞭五百或謂刑不上大夫此乃大夫

之屬也師與大史小史主禮樂之事謂將祭祀之時而誓也師輕於大夫大史掌秉筆以誌君之過其職最重故誓曰殺小吏官卑故誓曰墨

脩閭氏下士二人胥一人一作史徒十有二人

脩閭氏掌比國中宿互櫜者與其國弼音而比其追胥者而賞罰之

比謂檢柅夜士之守宿者宿宿衛也互謂行馬櫜行夜所擊國弼羨卒也追追寇也胥讀為偕以賞罰待之則一閭之政無不舉矣

禁徑踰者與以兵革趨行者與馳騁於國中者

每閭各有防限有徑越以從便者有以兵甲趨行與夫

馬馳驅則人相恐動或因以亂故皆禁焉鄉之閭如此則遂可知矣

邦有故則令守其閭互唯執節者不幾

寘氏下士二人徒八人

寘氏掌設弧張

弧張音張音之屬所以為冒禽獸

為阱獲以攻猛獸以靈鼓毆死于之

靈鼓祭社之鼓

若得其獸則獻其皮革齒須備

庚章預氏下士一人徒四人

庚氏掌除毒蠱以攻說禳之嘉音攻之

蠱能腐壞人之心腹除之之瀆謂有其神也攻說禳之攻

說祈名祈其神求去之也禳除也嘉草未聞

凡毆蠱則令之比之

校比其事以知能否

允氏下士一人徒四人

允氏掌攻蟄獸各以其物火之

蟄獸熊羆之屬冬藏者也將攻之必先燒其所食之物於

允外以誘出之乃可得也

翬音其珍異皮革

翬音氏下士二人徒八人

翬氏掌攻猛鳥各以其物為媒而拮居之

猛鳥鷹隼之屬置其所食之物於網中鳥來下則拮其足

以時獻其羽翮

柞反氏下士八人徒二十人

柞氏掌攻草木及林麓夏日至今刊陽木而火之冬日至今

剥陰木而水之

木生於山南為陽木生於山北為陰木陰陽相濟則冲氣

以為和此物之所以生陰陽偏勝則乖沴以為疾此物之

所以死使民知禁斧斤以時入山林材木不可勝用也
若欲其化也則春秋變其水火

若欲用為耕地而冀其能生嘉穀則夏用火矣秋則水之
冬用水矣春則火之一變易之則水火相濟而其土和美
自能化生嘉穀

凡攻木者掌其政令

皇矣之詩云作之屏之其翳其翳脩之平之其灌其掬啓
之辟之其擿其楛攘之剔之其槩其柘此攻木之謂也

難他計氏下士二人徒二十人

雉氏掌殺草春始生而萌之夏日至而夷之秋繩音而而之

冬日至而耜之

始萌而雉之熱則夷傷之傷之未已孕育而芟之凍則耜
而剗之

若欲其化也則以水火變之

欲其化而為土則火燒其所芟夷者又從而以水澆之則
陰陽相沴化為土矣

掌凡殺草之政令

鳥獸昆虫草木之害人者皆務去之此亦制刑之意談苑
記云以桂屑布軌縫則宿草盡死

若他歷族倉獨氏下士一人徒二人

若族氏掌覆音天妖鳥之巢

天鳥如韓詩云有鳥夜飛名訓狐唐子西云聖惠方云有鳥夜飛名無辜小兒衣服遭之輒成疾此皆妖鳥之害

以方書十日之號十有二辰之號十有二月之號十有二歲之號二十有八星之號音其巢上則去之

自甲至癸十日之號自子至亥十二辰之號正月為陬二月為如三月為病四月為余五月為臯六月為且七月為相八月為壯九月為玄十月為陽十一月為辜十二月為荼此十二月之號歲在寅曰攝提格卯曰單閼辰曰執徐巳曰大荒落午曰敦牂未曰協洽申曰涇灘酉曰作噩戌

曰闍茂亥曰大淵獻子曰困敦丑曰赤奮若此十二歲之號有角至軫二十八星之號夫鳥之避此五者理亦有之鵲忌庚燕避戊巳虎豹知衝破鵲作巢避太歲以此觀之周公不虛言也

翦氏下士一人徒二人

翦氏掌除蠹物以攻崇攻之以莽草薰之

翦斷滅之言也蠹虫穿食人器物者攻崇祈名莽草殺蟲藥名

凡庶章預反蠱之事

凡庶除毒蠱者翦氏兼掌之

赤友音踐氏下士一人徒二人

刺拔而去之之謂

赤友氏掌除墻屋

墻屋隙罅之間有虫能螫人如蠖蝮蜘蛛蜈蚣之類

以蜃炭攻之以灰洒色買反毒之凡隙屋除其狸莫皆反蟲

蟻虬蚌之屬

蠲音載氏下士一人徒二人

蠲氏掌去鼃音蛙鼃莫幸反焚牡鞠以灰洒之則死以其煙被之

則凡水蟲無聲

齊魯間謂蛙為蠲故名蠲氏牡菊菊之不華者能治鼃

物有相制者理之所有也

壺涿音轄氏下士一人徒二人

擊瓦鼓以毆水蟲故謂之壺涿氏

壺涿氏掌除水蟲

如春秋書有蜮之類

以炮土之鼓毆之以焚石投之

炮土之鼓瓦鼓也

若欲殺其神則以牡槀午貫象齒而沈之則其神死淵為陵

若為害之蟲毆之不去意必有神主之槀木名山榆也象

齒象牙也取山榆之牡者十字交午貫穿象牙以沈乎水

中則可殺水蟲之神且使水涸而淵塞化為丘陵聖人達萬物之理以為除害之方除蠹物用莽草除狸蟲用炭灰除鼃黽用牡蘗除水蟲用牡櫟天地間物皆有用非明哲孰能知之

庭氏下士一人徒二人

古有大庭氏

庭氏掌射國中之天鳥若不見其鳥獸則以救日之弓與救月之矢夜射之

鳥獸為妖者夜中聞聲而不見其物則以日食日所造弓月食日所造矢射之以陰陽至盛之氣攻暗昧不明之妖

則息矣

若神也則以太陰之弓與枉矢射之

太陰之弓救月之弓枉矢救日之矢

昔歐陽脩作鬼車詩云昔者周公夜呼庭氏率屬彎弧逐出九州之外射之三發不中天遣天狗投空嚙之落其一頭清血常流以晝藏夜伏陰黑則飛見火光則驚墮血點汚人家其家必破由此言之不設官以射之為害豈小哉陳及之曰占之王者鐘鼓管絃以養其內威儀文物以養其外其禮樂未嘗斯須去身出則有虎賁氏夾道而趨居則有士庶子之掌守其居止行幸未嘗一日忘武備自書生

論之以為無他事矣先王猶謂猛獸之隱伏毒蟲之竊發
狸虫之潛聽水蟲之巧伺皆足以害人身夫鳥之聲鼃鼃
之音亦足以亂人心一物不去於治身養心為有缺則是
九官之設非得已而不已也豕突乘輿熊當御坐雖當時
簡忽所致亦王制有不足爾所謂方書十日十二辰十二
月十二歲二十八星之號以去夫鳥攻崇以攻蠹物蜃炭
以攻狸虫牡鞠以去鼃鼃炮土之鼓以去水虫救月之矢
以射天鳥非明於度物精義入神不能知也

銜枚氏下士二人徒八人

銜枚氏掌司嘽五羔

反

之大祭祀令禁無嘽

祭祀貴靜而肅大祭祀尤致嚴焉故令禁嘽孔子於宗廟
朝廷便便言唯謹爾亦所以戒嘽楚茨言君婦莫莫以言
承祭祀者靜而不譁

軍旅田役令銜枚

軍旅田役大衆所聚惡譁而喜靜故令銜枚大祭祀止於
令禁無嘽者承祭祀者不若軍旅田役之衆

禁嘽音呼歎鳴於國中者行歌哭於國中之道者

人之樂不能不歌人之哀不能無哭聖人曷嘗抑之使無
歌哭哉於所居可也行而歌哭於國中之道其感動人心

故禁之

伊耆氏下士一人徒二人

伊耆氏有功於耆老者也先王篤養老之禮為其氣體已衰年德彌尊設為賜杖之制以優之自七十者杖於國至八十者杖於朝取伊耆息老之義以名官且取耆艾之義伊耆氏掌國之大祭祀共其杖咸

咸讀為丞盛杖之器械之有咸猶節之有英蕩老臣雖杖於朝至於祭祀之時以敬為主雖老而不敢杖伊耆氏共其函以盛之既事乃授之所以尊神也

軍旅授有爵者杖

有爵者皆有統率在軍見王見帥宜當執杖今三衙兵

朝亦執杖也

共王之齒杖

國老年齒已高在禮宜杖是之謂齒杖以齒論之雖可以杖必出於王之所賜然後杖伊耆氏之職則共之於王而王用以賜也周家之杖有五十六七十八十在鄉在家在國在朝之異此所共者其在朝在國乎漢之哀帝賜孔光以靈壽杖其有周舊典歟

象胥每翟上士一人中士二人下士八人徒二十人

通夷狄之言者曰象胥其有才知者也東方曰寄南方曰

象西方曰狄鞮北方曰譯今總曰象胥者周之德先致南方也

象胥掌蠻夷閩貉戎狄之國使掌傳王之言而諭說焉以和親之

謂蕃國之臣來覲聘者

若以時入賓則協其禮與其辭言傳之凡其出入送逆之禮

節幣帛辭令而賓音賓相息亮之凡國之大喪詔相國客之禮

儀而正其位凡軍旅會同受國客幣而賓禮之

象胥本主夷狄之使亦兼掌國中之使故下有大事諸之等

凡作事于之大事諸侯次事事 華大夫次事上士下事

掌察中士八人史四人徒十有六人

掌察四方

此有關文言掌察諸侯之不率者

掌貨賄下士十有六人史四人徒三十有二人

此有關文言掌所以供交通諸國之幣帛

朝大夫每國上士二人下士四人府一人史二人廋子八人

徒二十人

朝大夫掌都家之國治

都家王之子弟公卿及大夫之采地國治主國之治都家當奉行者冢宰言以則治都

日朝以聽國事故以告其君長

日朝者朝大夫日日在朝以聽受國事故所作謂之事所遭謂之故君謂國君長謂卿大夫

國有政令則令其朝大夫

王國六官治教之當行於都家朝大夫日朝於王以聽國之事故告都家之君長是以國有政令朝大夫

凡都家之治於國者必因其朝大夫然後聽之唯大事弗因都家之治有當治於王國者必因大夫以上達若夫事

大者則不可因朝大夫以達之也其君長當自至而稟王命可也

凡都家之治有不及者則誅其朝大夫不及謂有稽毀之誅

在軍旅則誅其有司

有司都司馬家司馬見軍旅不干朝大夫之事

都則中士一人下士二人府一人史二人廋子四人徒八十人

闕

都士中士二人下士四人府二人史四人胥四人徒四十人

闕

家士亦如之

周禮秋官終

